



*Las casas portal que estan a la entrada de la calle que va a Barrio de Rey çerca del esparteria tiene la santa iglesia en el seteçientos e çinquenta mrs. de tributo, los quales dio la noble çibdad de Toledo en troque e cambio de unas casas que tenia Juan Garçia carniçero frontero de la pescaderia, tienelas Lope Rodrigues çintero por el dicho presçio a çenso.*

*En xxviii° dias del dicho mes de jullio del dicho anno de noventa e un annos, los venerables sennores Cristoval de Villaminaya e Alvar Peres de Montemayor canonigos e vesitadores de las posysiones de la santa yglesia de Toledo deslindaron estas casas e fallose en ellas trese varas en largo e dos e media por lo mas ancho e tiene çinco puertas una a la calle prinçipal e quatro a la callejuela de Barrio de Rey. De que fueron testigos Diego de Obregon e Diego Serrano criados del dicho sennor Alvar Peres. (firmado) Juan de Mayorga notario apostolico. /f° 174 r°/*